

BELAJAR MENGENAI ALAM

Mendekati Hutan Pelajaran Air Hitam Dalam di Kampung Air Hitam, Seberang Perai Utara, Pulau Pinang ini memberikan peluang kepada pengunjung mengenali habitat kehidupan alam flora dan fauna di kawasan berpaya di tepi Sungai Krek ditadbir urus Jabatan Perhutanan Pulau Pinang serta Pejabat Renjer Bukit Mertajam.

Bagi meneroka hutan itu pengunjung perlu menggunakan laluan pejalan

kaki yang dibina secara konkrit sambil menikmati keindahan alam semula jadinya.

Pembinaan hutan pelajaran ini bukanlah bertujuan untuk beriadah dan rekreasi semata-mata namun boleh dijadikan tempat pengunjung mengenali lebih dekat habitat flora dan fauna di kawasan berpaya serta pendedahan pendidikan alam sekitar sesuai dengan nama yang diberikan.

>7



HARIAN METRO
KHAMIS 26 JANUARI 2017

SANTAI | 7

POKOK ARA RATUSAN TAHUN

Jambatan gantung bolehkan pemandangan menyeluruh kawasan hutan disaksikan

DARI MUKA 1


Sebaik menggunakan laluan pejalan kaki itu, pengunjung boleh melihat pelbagai tumbuhan yang hidup subur terutama pokok nipah dan jika berasas baik anda berpeluang melihat buah nipah yang mempunyai rasa sungguh sedap seperti rasa kelapa. Ia ziminya digunakan dalam campuran minuman ais kacang.

Malah anda pasti tidak terlepas pandang pokok ara yang usianya ratusan tahun dengan akar banir bercabang 'mencucuk' ke permukaan kawasan berpaya dan menimbulkan panorama sungguh menarik.

Jika keletihan, terdapat wakaf berbunga yang lengkap dengan tempat duduk disediakan untuk pengunjung berahat sambil menyedut udara sedar dan menikmati pemandangan kawasan tanaman pokok putat di belakang rumah penduduk kampung itu.

Pokok ara sebenarnya sejenis pokok ulam yang banyak ditanam di kawasan ini dan spesies tumbuhan hidup di kawasan berpaya dan pucuknya boleh dibuat ulam.

Tidak lengkap jika anda tidak berjalan di jambatan gantung yang dibina bagi membolehkan pemandangan menyeluruh kawasan hutan berpaya di tepi sungai itu.



Terdapat juga menara jambatan gantung dan anda perlu menaiki anak tangga menara itu menuju ke jambatan gantung dan dari situ perlu berjalan dengan berhati-hati mengikuti had yang tetapkan.

Di atas jambatan gantung sepanjang kira-kira 100 meter itu, anda boleh melihat dengan lebih dekat habitat flora dan fauna di kawasan berpaya itu.

Bagi yang suka merakamkan panorama alam semula jadi eloklah mengunjungi hutan ini kerana sudah pasti gambar dirakam tidak menghampharkan.

Kawasan hutan pelajaran ini mempunyai pelbagai jenis spesies hidupan flora dan fauna. Bagi yang ingin mengamalkan teknik membuat kajian berkenaan kehidupan habitat di kawasan berpaya itu bolehlah menjadikan hutan ini antara sumber bahan penyelidikan.

Tidak sukar berkunjung ke sini kerana anda yang menggunakan Lebuhraya Utara Selatan (PLUS) boleh ke susur

keluar Plaza Tol Sungai Dua dan dari situ perlu teruskan perjalanan kira-kira lima kilometer sebelum tiba pada tanda tempat itu.

Apabila berada di kawasan hutan ini, pengujung dinasihatkan supaya tidak mencemarkan persekitarannya dan perlu mematuhi peraturan yang ditetapkan.

Ia bagi menjamin dan memastikan ekosistem alam tidak digangu kerana sudah menjadi tanggungjawab bersama memelihara alam sekitar yang juga anugerah ciptaan Tuhan ini.

-Rosman Shamsudin

INFO

- Dibuka pada jam 8 pagi-5 petang
- Masuk percuma
- Jambatan gantung had maksimum dewasa 7 orang kanak-kanak 10 orang
- Pengujung perlu mematuhi peraturan yang ditetapkan

PEMANDANGAN dan panorama menarik ditawarkan di Hutan Pelajaran Air Hitam Dalam.